



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU STRANKE UDRUŽENIH NEZAVISNIH DEMOKRATA BIH

Broj: 03-07-6-337/15  
Sarajevo, 31. mart 2016. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Pregledom godišnjeg finansijskog izvještaja za 2014. godinu, utvrđeno je da je Stranka udruženih nezavisnih demokrata Bosne i Hercegovine prekršila odredbe člana 11. i člana 12. stav (1) i stav (3) Zakona o finansiranju političkih stranaka.**

**Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke udruženih nezavisnih demokrata Bosne i Hercegovine za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka udruženih nezavisnih demokrata Bosne i Hercegovine finansirala se iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	935,00	5,63%
3	Prilozi pravnih lica (3-b)	200,00	1,20%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	15.483,92	93,17%
8	Prihodi od propagande (3-g)	0,00	0,00%
9	Ostali prihodi	0,00	0,00%
<b>I</b>	<b>Ukupni prihodi</b>	<b>16.618,92</b>	<b>100,00%</b>
<b>II</b>	<b>Kreditno zaduženje kod banaka</b>	0,00	0,00%
	<b>Izvori finansiranja (I+II)</b>	<b>16.618,92</b>	<b>100,00%</b>

U godišnjem finansijskom izvještaju stranka je iskazala rashode u ukupnom iznosu od 21.728,24 KM.

## 2. PREDSTAVLJANJE POLITIČKE STRANKE

Naziv političke stranke je Stranka udruženih nezavisnih demokrata Bosne i Hercegovine. Skraćeni naziv stranke je SUND BIH.

Stranka je registrovana kod Općinskog suda u Tuzli broj upisa: 032-0-Reg-08-000152 od 04.03.2008. godine.

Sjedište političke stranke je u Živinicama, Zlatnih ljiljana 4.

Lice ovlašteno za zastupanje stranke je Hamdija Numanović, predsjednik stranke.

Lice ovlašteno za podnošenje finansijskih izvještaja za 2014. godinu je Zijad Numanović.

Prema podacima iz godišnjeg finansijskog izvještaja za 2014. godinu, Stranka udruženih nezavisnih demokrata Bosne i Hercegovine ima sljedeću organizacionu strukturu:

- SUND BiH i
- Povjerenik OO SUND BiH Delić Salih Živinice.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke udruženih nezavisnih demokrata Bosne i Hercegovine za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Stranke udruženih nezavisnih demokrata Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta i troškove kampanje.

### **4. PRETHODNE KONTROLE I REVIZIJE**

Služba za reviziju je izvršila pregled i kontrolu godišnjih finansijskih izvještaja Stranke udruženih nezavisnih demokrata Bosne i Hercegovine u periodu od 2008. do 2013. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja za 2013. godinu, izdat je izvještaj o reviziji sa mišljenjem revizora, nalazima i preporukama stranci da izdaje potvrde o prijemu članarina, da vodi tačne evidencije o svojim prihodima i rashodima, da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka i da poštuje i druge propise, prevashodno poreske, iz kojih proističu dodatne obaveze i troškovi.

Takođe, stranci se preporučuje da isplate sredstava iz blagajne vrši na osnovu odgovarajuće dokumentacije.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2014. godinu, utvrđeno je da je Stranka udruženih nezavisnih demokrata Bosne i Hercegovine djelimično ispoštovala date preporuke.

### **5. NALAZI I PREPORUKE**

#### **5.1. NALAZI**

##### **a) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.**

Pregledom je utvrđeno da je stranka evidentirala troškove u svojim poslovnim knjigama u većem iznosu od ostvarenih, te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) Prema podacima iz Bruto bilansa stranke utvrđeno je da ukupni rashodi stranke u 2014. godini iznose 21.112,98 KM.

Uvidom u poslovne knjige i Godišnji obračun stranke (Bilans uspjeha) utvrđeno je da je stranka vrijednost usluga u iznosu od 615,26 KM iskazala na poziciji usluga i rashode u iznosu od 21.113,00 KM, a da pri tome nije obratila pažnju na činjenicu da je vrijednost usluga već sadržana u ukupnim rashodima. Na taj način stranka je neosnovano uvećala ukupne rashode za 615,26 KM, čime je prekršila odredbe člana 21. Pravilnika. Takođe, stranka je i višak prihoda u odnosu na rashode iskazala u manjem iznosu za 615,26 KM.

(2) U obrascu 3-a finansijskog izvještaja (Prilozi fizičkih lica) stranka je iskazala prilog jednog fizičkog lica u iznosu od 935,00 KM.

Uvidom u izvode utvrđeno je da su stranci dva fizička lica dala priloge u iznosima od 880,00 KM i 55,00 KM. Obzirom da je jedno fizičko lice dalo prilog niži od 100 KM stranka je u obrascu 3-a imala obavezu taj prilog da iskaže na stavci priloga fizičkih lica koji su niži od 100 KM.

Nepravilnim popunjavanjem obrasca stranka je prekršila odredbe člana 14. Pravilnika.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>1</sup> po biraču u svakom izbornom krugu, prema broju birača koje je objavila Centralna izborna komisija BiH.

Stranka udruženih nezavisnih demokrata Bosne i Hercegovine je, prema podacima Centralne izborne komisije BiH, u svrhu izborne kampanje mogla da potroši 14.193,13 KM.

Prema podacima iz godišnjeg finansijskog izvještaja, Stranka udruženih nezavisnih demokrata Bosne i Hercegovine je iskazala troškove propagande u iznosu od 4.994,72 KM.

## **5.2. PREPORUKE**

*Preporučuje se Stranci udruženih nezavisnih demokrata Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi adekvatne evidencije o svojim rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

Stranka udruženih nezavisnih demokrata Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

mr.sc Hasida Gušić

---

<sup>1</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.